

文411  
465  
二  
一



詞綜補遺卷十六

長洲陶樑

金詞六十八首

海陵庶人 三首

世宗皇帝

章宗皇帝 二首

宇文虛中 一首

元德明 一首

僕散汝弼 一首

任詢 一首

孟宗獻 一首

張行信 一首

馬延登 一首

李俊民 五首

許古 二首

劉昂 一首

雷淵 一首





辛 愿 一首

白 樸 四十首

曹光輔 一首

李仁山 一首

釋志璉 一首

王 壽 一首

馬 鉦 一首

無名氏 一首

海陵庶人

名亮皇統己巳即位改元天德貞元正隆在位十三年大定初追廢為庶人

宋稗類鈔海陵未篡初封岐王為平章政事頗知書好為詩詞語出輒崛彊愬愬有不為人下之意境內多傳之觀其所存寓一二於十百其桀驁之氣已溢於辭表他蓋可知也

昭君怨 詠雪

昨日樵村漁浦今日瓊洲玉渚山色捲簾看老峯巒  
錦帳美人貪睡不覺天花翦水驚問是楊花是蘆花

鵲橋仙

中秋待月不至

停杯不舉停歌不發等候銀蟾出海不知何處片雲來  
做許大通天障礙 虬髯撚斷星眸睜裂惟恨劍鋒不  
快一揮截斷紫雲腰子細看嫦娥體態

喜遷鶯

賜御前都統驃騎衛大將軍韓邪

旌麾初舉正駃騠力健嘶風江渚射虎將軍落鵬都尉  
繡帽錦袍翹楚怒礮戟髯爭奮捲地一聲鼙鼓笑談頃  
合長江齊楚 六師飛渡此去無自墮金印如斗獨把  
功名攜取斷鎖機謀垂鞭方畧人事本無今古試展卧  
龍韜蘊果見成功旦暮問江左想雲霓切望元黃迎路

世宗皇帝

諱雍本名烏祿太祖孫正隆六年辛巳即位於東京改元大定在位二十九年

法苑春秋金世宗賜元悟玉禪師長短句云云師獻和云無為無作認著無為還是縛照用同時電捲星流已太遲非心非佛喚作非心猶是佛人境俱空萬象森羅一境中世宗嘗以手心書非心非佛四字故及之

滅字木蘭花

賜元悟玉禪師

但能了淨萬法因緣何足問日月無為十二時中更不疑常須自在識取從來無罣礙佛佛心心佛若休心也是塵

章宗皇帝

諱璟世宗嫡孫以大定二十九年己酉嗣位改元明昌承安泰和在位二十年

劉祁歸潛志章宗天姿聰悟詩詞多有可稱者宮中絕句云五雲金碧拱朝霞樓閣崢嶸

帝子家三十六宮簾盡捲東風無處不楊花真帝王詩也又有聚骨扇擎橙為軟金杯詞云云

蝶戀花

聚骨扇

幾股湘江龍骨瘦巧樣翻騰疊作湘波皺金縷小鈿花  
草鬪翠條更結同心扣金殿珠簾閒永晝一握清風  
慙喜懷中透忽聽傳宣須急奏輕輕褪入香羅袖

生查子

軟金杯

風流紫府郎痛飲烏紗岸柔軟九迴腸冷怯玻璃盃  
纖纖白玉蕊分破黃金彈借得洞庭春飛上桃花面

字文虛中

字叔通成都華陽人大觀三年進士以資政殿大學士使金見留為翰林學士承旨



加特進遷禮部尚書封河內郡開國公後為  
忘者誣以謀叛老幼百口同日焚死淳熙間  
諡肅

碧雞漫志宇文叔通久留金國不得歸立春  
日作迎春樂曲云云

迎春樂 立春

寶幡彩勝堆金縷雙燕釵頭舞人間要識春來處天際

雁江邊樹 故國鶯花又誰主念憔悴幾年羈旅把酒

祝東風吹取人歸去

元德明

秀容人拓拔魏之後裔累舉不第放浪山水間有東巖集子好問最知名

好事近

和蔡丞相詠茶

見詩餘廣選

夢破打門聲有客袖攜團月喚起玉川高興煮松檐晴

雪 蓬萊千古一清風人境兩超絕覺我胸中黃卷被

春雲香徹

僕散汝弼

字良弼古齊人

臨潼石刻署云近侍副使僕散公博學能文尤工於詩昔過華清嘗作風流子長短句題之於壁其清新婉麗不減秦晏四方衣冠爭誦傳之稱為今之絕唱恐久而湮滅命刻於石以傳不朽正大三年重九日承務郎主簿慕蘭記  
按楊升庵丹鉛總錄載此詞不著名姓又稱石已磨為別刻今臨潼尚存此碑益知升庵之妄

風流子

三郎年少客風流夢繡嶺盡瑤環看浴酒發春海棠睡

暖笑波生媚荔子漿寒况此際曲江人不見偃月事無  
端羯鼓數聲打開蜀道霓裳一曲舞破潼關 馬嵬西  
去路愁來無會處但淚滿關山賴有紫囊來進錦鞵傳  
看嘆玉笛聲沉樓頭月下金釵信杳天上人間幾度秋  
風渭水落葉長安

任

詢

字君謨號南麓易州軍市人父貴遊江浙生  
詢於處州登正隆二年進士歷省掾大名總  
幕益都都司判官北京  
鹽司課殿降泰州節廳  
按金史詢書爲當時第一畫亦入妙品評者  
謂畫高於書書高於詩詩高於文然王庭筠  
獨以才具許之

永遇樂

見歷代詩餘

月已中秋菊還重九夜久涼重滿地清霜半天白曉孤  
唱聞耕隴蕭蕭牕几依然琴研但覺鼠窺風動悔生平  
趨前猛甚晚退却成無勇 興衰更換妍媸淆混造物  
大相愚弄三覺羞人五交賈警侯伯寧無種而今此念  
消除都盡惟有故山歸夢吾廬更雙溪清遠萬峯翠擁

孟宗獻

字友之開封人大定三年鄉府省御四試皆  
第一天下號孟四元除供奉翰林轉曹王府  
文學兼記室尋授同知單州軍州  
事丁內憂哀毀卒自號虛靜居士  
歸潛志孟友之雖仕不甚貴願恬淡留意養  
生術嘗著金丹賦行於世

菩薩蠻

見中州樂府

睡驚秋近鳴蟲砌蒼髯慘勻霜影孤燈翳冷長歎浩歌



狂按此係回文體各就本句倒轉讀之即得四十四字  
中州樂府尙有李宴王庭筠作與此同格

張行信字信甫先名行忠以避末帝舊諱改莒州人  
大定二十八年進士歷官禮部尙書拜參知

政事為近侍所譖出鎮涇州正大初召拜左丞

歸潛志張左丞為人簡質不修威儀惡衣糲食如貧士致仕家居惟以鈔書教子孫為事

葺園池東城號靜隱亭時時游詠其間初至南京父暉以御史大夫致仕兄行簡為翰林

學士承旨公為禮部尙書諸子弟多中第居官當世未之有也

驀山溪

見陝西通志

山河百二自古關中好壯歲喜功名擁征鞍雕裘繡帽

時移事改萍梗落江湖聽楚語厭蠻歌往事知多少

蒼顏白髮故里忻重到老馬省曾行也頻嘶冷烟殘照

終南山色不改舊時青長安過一回來須信一回老

馮延登

字子駿吉州人承安二年進士累遷吏部郎中翰林待制正大末奉命北使見留使招鳳

翔不從欲殺者久之割其鬚髯羈管豐州二年乃得還天興初授吏部侍郎京城陷自投

井中死有橫溪翁集

歸潛志馮吏部為人謹厚吏事亦精篤學問長年猶不輟在公署日鈔書為文苦思尙奇

澗詩亦新巧可稱元遺山中州樂府子駿勁骨正氣可與洪忠

宣文信國並傳其所作玉樓春臨江仙諸詞亦不減天涯池館雨過霞明之句也

玉樓春

宴河中瑞雲亭見山西通志

長原迤邐孤麋卧野色微茫河界破草承行屨綠雲深

花觸飛丸紅雨爰高亭初試煎茶火醉玉漸譁春滿



座行孟莫厭轉籌頓佳節等閑飛鳥過

李俊民

字用章澤州人唐韓王元嘉後承安五年進士第一應奉翰林文字金南遷後隱居嵩山

自號鳴鶴道人元世祖以安車召見仍乞

還山卒賜諡莊靖先生有莊靖集詞附

四庫全書總目俊民入元後集中祇書甲子  
隱然自比陶潛故所作詩類多幽憂激烈之  
音繫念宗邦寄懷深遠不徒以清新奇崛為  
工文格冲澹和平具有高致亦復似其為人  
雖博大不及元好問抑亦其亞矣

洞仙歌

謝楊誠之寄梅

隴頭瀟灑辜負尋芳眼浪蘂浮花問名懶縱看看驛使  
帶得春來祇恐怕綠葉成陰子滿 暗香無恙否月落  
參橫惆悵羅浮夢魂短賴故人情重不減西湖花一月

分我黃昏一半更選甚南枝與北枝是一種春風待爭

寒暖

摸魚兒

送姪謙甫出山

這光景能銷幾度大都數十寒暑結廬人在山深處萬  
壑千巖風雨朝復暮甚不管堂堂背我青春去高情自  
許似野鶴孤雲江鷗遠水此興有誰阻 功名事休歎  
儒冠多誤韓顛彭蹶無數一溪隔斷桃源路只有人家  
雞黍歌且舞更不住醉中時出烟霞語暫來樵斧貪看  
兩爭碁人間不道俯仰成今古

探梅

探梅



誰便道昨夜雪中開了次第不將消息報探芳人草草  
宜在嫩寒清曉與比孤山更好籬落逢花須醉倒惜  
花人易老

滿江紅 和張文玘

宿酒纔醒聽喚起一聲春曉無限恨滿城風絮一川烟  
草年少拋人容易去萬紅千紫都開了試但教頭上插  
花枝花應笑 狂言在人絕倒狂藥盡愁難掃待丁寧  
囑付再來青鳥團扇不堪題往事斷絃惟恨知音少但  
時時頻把鏡來看人將老

點絳脣 重陽菊間小酌同申元帥

秋樹風高可憐憔悴門前柳白衣去後閒却持杯手

一笑相逢落帽年時友君知否南山如舊人比黃花瘦

許

古

字道真河間人承安中進士南渡爲侍御史  
時丞相木虎高琪亂政上章劾之卒爲所中  
貶鳳翔判官正大初召爲補闕遷左  
司諫後致仕卜居嵩山年七十四卒

眼兒媚 見歷代詩餘

濁醪筍得玉爲漿風韻帶橙香持杯笑道鵝黃似酒酒  
似鵝黃 世緣老矣不思量沉醉又何妨臨風對月山  
歌野調儘我疎狂

行香子

秋入鳴皋爽氣飄蕭挂衣冠初脫塵勞窗間巖岫看盡



昏朝夜山低晴山近曉山高  
細數閒來幾處村醪醉  
模糊信手揮毫等閒陶寫問甚風騷樂因循能潦倒也  
逍遙

劉昂

字次霄濟南人官鄒平令

歸潛志次霄有才譽以先有劉昂之昂故號小劉昂泰和南征作樂章一闕上平西為時所傳詞云云按齊東野語以此詞為元帥紇石烈子仁作且云子仁蓋女真之能文者故敢肆言無憚如此是時南北分隔草窗所述或係傳聞之詞似不若歸潛志為可據也

上平西

按此調即金人捧露盤詞律作上西平誤

薑鉉搖螳臂振舊盟寒恃洞庭彭蠡狂瀾天兵小試萬

蹄一飲楚江乾捷書飛上九重天春滿長安 舜文明

唐日月周禮樂漢衣冠洗五川烟瘴江山全蜀下也劍

關何用一泥丸有人傳信日邊來都護先還

雷

淵

字希顏一字季默渾源人至寧初進士調涇州錄事遷東阿令授徐州觀察判官與定夫拜監察御史以事罷起為太常博士調南京轉運使戶籍判官終翰林修撰

歸潛志雷翰林淵幼喪父以孤童入太學從李屏山游遂知名為文章專法昌黎尤長敘事詩雜坡谷喜新奇好收古人書畫碑刻喜結交凡當途貴要與布衣名士無不往來居京師賓客踵門未嘗去舍後進經品題以為榮

水調歌頭

元好問李獻能游玉華谷少姨祠於壁間得漢末田疇詩 見歷代詩餘

雲山有宮闕浩蕩玉華秋何年鸞鷲同侶清夢入真遊



細看詩中元鼎似道區區東井冠帶事崑邱壞壁浣風  
雨醉墨失蛟蚪 問詩仙緣底事愧幽州知音定在何  
處此語為誰留世外青天明月世上紅塵白日我亦厭  
囂湫一笑拂衣去崧頂坐垂鈎

辛愿

字敬之福昌人年二十五始杜門讀書學成  
不仕隱居女几山下時往來長水永寧間自

號女几野人又  
號溪南詩老

詞苑叢談載元光初李欽叔與元裕之在孟  
津幸敬之自女几來為留數日嘗共游河山  
亭敬之賦此詞留別二人云

按元遺山編中州集以辛敬之為知己三人  
之一其序楊飛卿陶然集謂貞祐後詩學為  
盛洛西辛敬之淄川楊叔能太原李長源龍  
坊雷伯威北平王子正皆號稱專門又序楊  
叔能小亭集謂金南渡後學詩者惟辛敬之

楊叔能以唐人為指歸

臨江仙

游河山亭留別李欽叔元裕之

誰識虎頭峯下客少年有意功名清朝無路到公卿蕭

蕭華屋白髮老諸生 邂逅對牀逢二妙揮毫落紙堪

驚他年聯袂上蓬瀛春風蓮燭莫忘此時情

白樸

字仁甫一字太素號蘭谷真定人父某為金  
樞密院判兵亂相失寄居元遺山家得其指

授金亡後被薦不出徙居金陵放  
浪詩酒尤精度曲有天籟集二卷

四庫全書總目樸詞清雋婉逸意愜韻諧可  
與張炎詞相匹惟以製曲掩其詞名故沈晦

者越數百年詞家選本均不載其姓字朱彝  
尊輯詞綜時亦尚未見其本書成之後乃得  
之書雖晚出其詞采氣韻皆非後人所能固  
一望而知為宋元人語矣



言作詩不及唐人平生留意長短句散失之餘僅二百篇讀之數過辭語道麗情寄高遠音節協和輕重穩愜凡當歌對酒感事興懷皆自肺腑流出子因以天籟名之

朱彝尊跋蘭谷詞源出蘇辛而絕無叫囂之氣自是名家元人擅此者少當與張蛻庵稱雙美可與知者道也

奪錦標

奪錦標曲世所傳者惟僧仲殊一篇而已

子每浩歌尋繹音節因欲效顰恨未得佳趣耳庚辰卜居建康暇日訪古采陳後主張貴妃事作樂府青溪怨

霜水明秋霞天送晚畫出江南江北滿目山圍故國三閣餘香六朝陳迹有庭花遺譜口哀音令人嗟惜想當時天子無愁自古佳人難得惆悵龍沉宮井石上啼痕猶點胭脂紅濕去去天荒地老流水無情落花狼藉

恨青溪留在渺重城烟波空碧對西風誰與招魂夢裏行雲消息

又得友人王仲常李文蔚書

孤影長嗟憑高眺遠落日新亭西北幸有山河在眼風景留人楚囚何泣儘紛爭蝸角算都輸林泉閒適澹悠悠流水行雲任我平生踪跡誰念江州司馬淪落天涯青衫未免沾濕夢裏封龍舊隱經卷琴囊酒樽詩筆對中天涼月且高歌徘徊今夕隴頭人應也相思萬里梅花消息

水調歌頭 詠月



言絲補遺卷十六  
銀蟾吸清露白兔搗元霜青天萬古明月中有物蒼蒼  
想是臨風丹桂費盡斫雲玉斧秋藥自芬芳印透一輪  
影吹下九天香 怪霜娥才二八減容光蛾眉幾畫新  
樣晚鏡爲誰妝見說開元天子曾到清虛僊府一曲聽  
霓裳何事便歸去空斷舞鸞腸

又

初至金陵諸公會飲因用北州集成陽懷古韻

蒼烟擁喬木粉雉倚寒空行人日暮回首指點舊離宮  
好在龍蟠虎踞試問石城鍾阜形勢爲誰雄慷慨一尊  
酒南北幾衰翁 賦朝雲歌夜月醉春風新亭何苦流  
涕興廢古今同朱雀橋邊野草白鷺洲邊江水遺恨幾

時終喚起六朝夢山色有無中

又

擬遊茅山贈心遠提點

三峯足雲氣萬壑散秋聲茅君曾此成道山與地俱靈  
遙望蒼松紫檜疑是烟幢霧蓋冉冉下青冥鸞鶴故山  
夢香火歲時情 洞天開丹竈冷有遺經華陽自古招  
隱飛煉得長生慙愧山中宰相便許綸巾鶴氅相對聽  
吹笙何處滄浪水吾亦濯塵纓

又

夜醉西樓爲楚英作

雙眸翦秋水十指露春蔥仙姿不受塵污縹緲玉芙蓉  
舞徧柘枝遺譜歌盡桃花團扇無語到東風此意復誰



解我輩正情鍾 喜相從詩卷裏酒杯中纏頭安用三  
萬自有海犀通日日東山高興夜夜西樓好夢斜月小  
簾櫳何物寫幽思醉墨錦箋紅

水龍吟

么前三字用仄者見田不伐洋嘔集水龍吟二首皆如此曲妙於音蓋口無疑或用平字恐不堪協雲和署樂工宋奴伯婦王氏以洞簫合曲宛然有承平之意乞詞於子故作以贈會好事者為王氏寫真末章及之

綵雲蕭史臺空洞天誰是驂鸞伴傷心記得開元遊幸  
連昌別館力士傳呼念奴供唱阿郎吹篥悵無情一枕  
繁華夢覺流年又暗中換 邂逅京都兒女歡遊徧畫  
樓東畔樽前一曲餘音嫋嫋驪珠相貫日落邯鄲月明

燕市儘堪腸斷倩丹青細染風流圖畫寫崔徽半

又登岳陽樓感鄭生龍女事譜大曲薄媚

洞庭春水如天岳陽樓上誰開宴飄零鄭子危欄倚遍  
山長恨遠何處蘭舟彩霞浮漾笙簫一片有蛾眉起舞  
含嚬凝睇分明是舊仙媛 風起魚龍浪捲望行雲飄  
然不見人生幾許悲歡離聚情鍾難遣問道當時汜人  
能誦招魂九辯又何如乞我輕綃數尺寫湘中怨

又遺山先生有醉鄉一詞僕飲量素慳不知其趣獨閒居嗜睡有味因為賦此

醉鄉千古人行看來直到亡何地如何物外華胥境界  
昇平夢寐鸞馭翩翩蝶魂栩栩俯觀羣蟻恨周公不見



莊生一去誰真解黑甜味 聞道希夸高卧占三峰華  
山重翠尋常羨殺清風嶺上白雲堆裏不負平生算來  
惟有日高春睡有林間剝啄忘機幽鳥喚先生起

又 用前韻贈答光輔

倚闌千里風烟下臨吳楚知無地有人高枕樓居長夏  
晝眠夕寐驚覺游僊紫毫吐鳳玉觴吞蟻更誰人似得  
淵明太白詩中趣酒中味 慙愧東溪處士待他年好  
山分翠人生何苦紅塵陌上白頭浪裏四壁窗明兩盃  
粥罷暫時打睡儘聞雞祖述中宵狂舞蹴劉琨起

又 予始賦睡詞諸公賡和三十餘首一日友人王文卿攜餽來訪話及梁園舊遊因感其事復用

前韻

萬金不買青春老來可惜歡娛地有時記得江樓深夜  
解鞍留寐蘭焰噴虹寶香薰麝玉酷芻蟻更誰能細說  
當年風韻江瑤柱荔枝味 漂泊江湖萬里渺難尋採  
菱拾翠何心更到折枝圖上賣花聲裏蓬鬢刁騷角巾  
敲墮枕書聊睡恨怱怱未辦蓴鱸歸棹又秋風起

念奴嬌 題鎮江多景樓用坡僊韻

江山信美快平生一覽南州風物落日金焦浮紺宇鐵  
甕猶殘城壁雲擁潮來水隨天去幾點沙鷗雪消磨不  
盡古今天寶人傑 遙望石塚嶮然參軍此葬萬劫誰



能發桑梓龍荒驚嘆後幾度生靈埋滅往事休論酒杯  
纔近照見星星髮一聲長賦海門飛上明月

又 中秋效李敬齋體每句用月字

一輪月好正人間八月涼生襟袖萬古山河歸月影表  
裏月明光透月桂婆婆月香飄蕩修月香人手深沉月  
殿月蛾誰念消瘦 今夕乘月登樓天低月近對月能  
無酒把酒長歌邀月飲明月正堪爲友月向人圓月和  
人醉月是承平舊年年賞月願人如月長久

又

江湖落魄鬢成絲遙憶揚州風物十里樓臺簾半捲玉

女香車鈿壁后土祠寒唐昌花盡誰弄瓊枝雪山川良  
是古來銷盡雄傑 落日烟水茫茫孤城殘角怨入清  
笳發岸艤扁舟人不寐柳外漁燈明滅半夜潮來一帆  
風送凜凜森毛髮乘流東下玉簫吹落殘月

又 壬戌秋泊漢江鴛鴦灘寄贈

露團漸冷又今年孤負中秋明月誰念江干憔悴我夢  
斷芙蓉城闕燕子東歸鴻賓南下滿眼蘆花雪行人何  
處也應珠淚凝睫 常記樓上歌聲一尊酒盡默默無  
言別恨殺鴛鴦灘下水不寄題詩紅葉聚淚鮫綃畫眉  
螺黛總在歸時節百年心事等閒休向人說



滿江紅

庚戌春別燕城

雲鬢犀梳誰似得錢塘人物還又喜小牕虛幌伴人幽  
獨薦枕恰疑巫峽夢舉杯忽聽陽關曲問淚痕幾度浥  
羅巾長相續南浦遠歸心促春草碧春波綠黯銷魂  
無際後歡難卜試手牕前機織錦斷腸石上簪磨玉恨  
馬頭斜月減清光何時復

又

重陽後二日王彥文並利用秦山甫相過小飲

過了重陽寒慘慘秋陰連日尙何事滿城風雨漏天如  
泣點染一林紅葉暗飄蕭三徑黃花溼聽敲門忽有客  
三人來相覓時節好誇橙橘兒女喜分梨栗罄一尊

聊慰老懷岑寂想像會來神女賦傷心似失文通筆破  
殘年催釀酒如川長鯨吸

瑞鶴仙

登金陵烏衣園來燕臺

夕陽王謝宅對草樹荒寒亭臺敲側烏衣舊時客渺雙  
飛萬里水雲寬窄東風羽翅也迷却當時巷陌向尋常  
百姓人家孤負幾回春色悽惻人空不見畫棟棲香  
繡簾窺額雲兜霧隔錦書至付誰拆劉郎只見慣金陵  
興廢贈得行人鬢白又爭如復到元都免葵燕麥

木蘭花慢

燈夕到維揚

壯東南形勝淮吐浪海吞潮記此日江都錦帆巡幸汴

水迢遙迷樓故應不見口瓊花底事也香消興廢幾更  
王霸是非總付漁樵誰能十萬更纏腰鶴馭儘飄飄  
正繡陌珠簾紅燈鬧影三五良宵春風竹西亭上拌淋  
漓一醉解金貂二十四橋明月玉人何處吹簫

又

聽鳴騶入谷怕驚動北山猿且放浪形骸支持歲月點  
檢田園先生結廬人境竟不知門外市塵喧醉後清風  
到枕醒來明月當軒伏波勲業照青編蕙苴又何冤  
笑葛爾倭奴抗衡上國挑禍中原分明一盤棋勢謾教  
人著眼看師言爲問鷓鴣瀚海何如雞犬桃源

江梅引

一溪流水隔天台小桃栽爲誰開應念劉郎早晚得重  
來翠袖天寒憔悴損倚修竹口殘紅墮綠苔怨極恨  
極愁更哀甚連環無計解百勞分背燕飛去雲樹蒼崖  
口口千里何處託幽懷溫嶠風流還自許後期杳口塵  
生玉鏡臺

秋色橫空

贈虞美人草

兒女情多甚千秋萬古不易消磨拔山力盡英雄困垓  
下尙擁兵戈含紅淚顰翠蛾拌血污遊魂逐太阿草也  
風流猶弄舞態婆娑當時夜聞楚歌嘆烏騅不逝恨



滿山河匆匆玉帳人東去耿耿素志無他黃陵廟湘水  
波記染竹成斑口舜娥又豈止虞兮無可奈何

滿庭芳

屢欲作茶詞未暇也近選宋名公樂府黃  
賀陳三集中凡載滿庭芳四首大槩相類  
互有得失復雜用無寒刪先韻而語意若不  
倫僕不揆狂斐合三家奇句試爲一首必有  
能辨之者

雅燕飛觴清談揮塵主人終夜留歡密雲雙鳳碾破縷  
金團口品香泉味好須臾看蟹眼湯翻銀瓶注花浮鬼  
枕雪點鷓鴣斑雙鬢微步穩春纖擊露翠袖生寒覺  
清風扶我醉玉頰山照眼紅紗畫燭吟鞭送月滿銀鞍  
歸來晚芸牕未寢相伴小妝殘

綠頭鴨

洞庭懷古

黯銷凝楚天風物淒清過黃陵山長水遠古今遷客傷  
情渺澄波聚魚曲港浣紗人去掩柴荆洞庭晚荻花風  
細秋月照茅亭一壺酒澆平磊砢問甚功名買扁舟  
安排歸去五湖烟景誰爭等閒攜弄瓢西子恍惚遇鼓  
瑟湘靈看盡嬌顰聽殘雅奏暮雲江上數峰青  
香芹鮮鮒還似越中行閒身好浮家泛宅聊寄平生

永遇樂

至元辛卯春二月三日同李景安提舉遊  
杭州西湖

一片西湖四時烟景誰暇遊遍紅袖津樓青旗柳市幾  
處簾爭捲六橋相望蘭橈不斷十里水晶宮殿夕陽下



言終補遺卷十六  
笙歌人散唱徹採菱新怨 金明老眼華胥春夢腸斷  
故都池苑和靖祠前蘇公堤上謾把梅花撚青衫儘耐  
濛濛雨濕更著小蠻鍼線覺平生扁舟歸興此中不淺

玉漏遲

故園風物好芳尊日日花前傾倒南浦傷心望斷綠波  
春草多少相思淚點算只有青衫知道殘夢覺無人解  
我厭厭懷抱 懊惱楚峽行雲便賦盡高唐後期誰報  
玉杵元霜着意且須重搗轉眼梅花過也又屈指春殘  
鏡闌妝鏡曉應念畫眉人老

水龍吟

九日同諸公會飲鍾山望草堂有感

倚天鍾阜龍蟠四時青壁雲烟潤陂陀十里蒼髯夾路  
清風緩引蘭若西邊草堂別崦遺基猶認白猿驚鶴怨  
山人去後誰更向此中隱 獨愛丹崖碧嶺枕平川人  
家相近登臨對酒茱萸香細莓苔坐穩老計免裘故應  
來就林泉佳處怕烟霞笑我塵容俗狀把山英問

點絳脣

翠水瑤池舊游曾記飛瓊伴玉笙吹斷總作空花觀  
夢裏關山淚浥羅巾滿離魂亂一燈幽幔展轉秋宵半

清平樂

木犀

碧雲葉底萬點黃金蕊更看薔薇清露洗澤國秋光如



水 餘生牢落江南幽香鼻觀曾參見說小山招隱夢  
魂夜夜雲嵐

又

筌篹朱字夢覺參差是不種仙家白玉子著甚消口好  
事 桃花門外重重一言半語相通縈損題詩崔護幾  
回南陌春風

西江月

九江送劉牧之同知之杭

我自紉蘭爲佩君方剖竹分符才情風調有誰如彷彿  
三生小杜 置酒昔登峴首題詩今對匡廬青衫恨不  
到西湖共濕黃梅細雨

賣花聲

青瑣幾窺容帶結心同臨鸞誰與畫眉峰自恨尋芳來  
較晚辜負春紅 無物比情濃無計相從殷勤心事若  
爲通留得青衫前日淚彈滿西風

玉漏遲

碧梧深院悄清明過也秋千闌了楊柳陰中又是一番  
啼鳥人去瑤臺路遠辜負却花前歡笑音信杳西樓盡  
日凭闌凝眺 縹緲霧閣雲牕恨夢斷青鸞夜深寒峭  
檐玉敲殘推得五更風小麝炷金猊燼冷畫燭短銀屏  
空照芳徑曉惆悵落紅多少

垂楊

關山杜宇甚年年  
喚得春光歸去  
怕上高城望遠烟水  
迷南浦  
賣花聲動天街曉  
總吹入東風庭戶  
正紗窗濃睡  
覺來驚翠蛾愁聚  
一夜狂風橫雨  
恨西園媚景  
匆勿難駐  
試把芳菲檢點  
鶯燕渾無語  
玉纖空折梨花撚  
對寒食  
慊慊心緒  
試問東君  
落花誰是主

水龍吟

維揚途中遇雨

短亭休唱陽關柳  
絲惹盡行人怨  
鴛鴦隻影  
枯荷蒂淡  
沙寒水淺  
紅綬雙銜  
玉簪中斷  
苦難留戀  
更黃花細雨  
征鞍催上青衫  
淚一時濺  
回首孤城  
不見黯秋空去

鴻一線情緣未了  
誰教重賦春風人面  
鬪草間庭采香  
幽徑舊曾行遍  
謾今宵酒醒無言  
有恨恨天涯遠

沁園春

呂道山左丞相過金陵別業

流水高山獨許鍾期  
最知伯牙愧我  
投木李得酬瓊玖  
人驚玉樹肯倚蒹葭  
風雨十年江湖千里  
望美人兮天  
一涯重攜手似仲宣去國  
江令還家  
門前柳拂堤沙  
便好繫天津  
泛斗槎  
看金鞍鬧簇花邊  
置酒玉盃旋洗  
竹裏供茶  
朱雀橋荒  
烏衣巷古  
莫笑斜陽野草花  
寒食近  
算人生行樂少  
住還佳

摸魚兒

七夕用嚴柔濟韻



問雙星有情幾許消磨不盡今古年年此夕風流會香  
暖月牕雲戶聽笑語知幾處綵樓瓜果祈牛女蜘蛛暗  
度似拋擲金梭縈回錦字織就舊時句 愁雲暮漠漠  
蒼烟挂樹人間心更誰訴擘釵分鈿蓬山遠一樣絳河  
銀浦烏鵲渡離別苦啼妝灑盡新秋雨雲駢且駐筭猶  
勝嫦娥倉皇奔月只有去時路

又 真定異塵堂同諸公晚眺

做青紅水邊牕外登臨元有佳趣薰風蕩漾昆明錦一  
片蕩花無數纔欲語香暗度紅塵不到蒼烟渚多情鷗  
鷺儘翠蓋搖殘紅衣落盡相與伴風雨 橫塘路好在

吳兒越女扁舟幾度來去採菱歌斷三湘遠寂寞岸花  
汀樹天已暮更留看飄然月下凌波步風流自許待載  
酒重來淋漓醉墨為寫洛神賦

又 李具瞻侍御借過天慶觀訪蒲敬之都事既而登冶城觴詠樂甚

望參差冶城烟雨故人知在琳宇繡衣來就論文友隨  
意割雞炊黍歡樂處忘爾汝清談况有神仙侶一杯緩  
舉放遠日增明遙岑出翠俯仰幾今古 紅塵夢不到  
丹臺紫府尋真偶得佳趣兩株翠柏參天起千畝渭川  
烟雨君已許向此地結亭為我開窗戶朝來莫去待細  
攬烟霞平分風月揮灑錦囊句



又用前韻送敬之卜居淮上

聽西風細吟亭樹秋聲先到衡宇季鷹千里莼鱸與更  
喜范張雞黍傾蓋處慚愧汝高樓不見烟霞侶匏尊笑  
舉對得意江山忘懷風月醉眼翫今古 鑿坡客又向  
紅蓮幕府田園何日成趣九重聞道思賢佐恐要濟時  
霖雨天若許從所好結廬相就開蓬戶山人休去怕蕙  
帳空懸猿驚鶴怨貽笑草堂句

曹光輔

官教授附見白樸天籟集

水龍吟

和白仁甫睡詞用元遺山醉鄉詞韻

世間清苦禪和了心才到安閒地藜牀兀兀經年打坐

頽然假寐却甚牀邊偶聞牛鬪不知喧蟻怪藤條臨濟  
饑餐困卧方會得箇中味 爭似橫江樓上入簾櫳好  
山供翠悠悠萬事從今都付黃梁炊裏朝暮陰晴定應  
不廢平生甘睡笑傍人問我何當夢覺為蒼生起

李仁山

附見天籟集

名儒草堂詩餘載王夢應壽李仁山錦堂春詞云淺幘分秋涼樽試月西風未雁猶蟬看芙蓉影裏綠鬢年年日上雲帆壓海塵清玉馬行天更烟樓鳳舉風幕麟遊錦後珠前綠陰池館如畫記晴春藥徑雨曉芝田已辨十年笑語小聚雲邊舞稱香圍豔雪歌遲酒落紅船早羣仙醉去柳披花扶似霧非烟

清平樂

次韻白仁甫蟠桃梅自注蟠桃來自杭和靖詩句得于孤山也



瑤英輕灑姑射飄仙駕巧奪孤山能變化天嬌飛來白  
下 絕憐玉骨清姿不隨紅紫芳時要識天然標格竹  
籬茅舍橫枝

釋志璉

字仲璋自號山泉道人俗姓閩性嗜酒滑稽玩世附見天籟集

念奴嬌

九日述懷

消磨九日美年年惟有黃花白酒把酒簪花能有幾七  
十光陰回首人壽難期酒盃有限花色應如舊花穠酒  
釀問君著甚消受 彭澤千古英雄有花能折有酒能  
傾否萬事悠悠輸一醉花酒休教離手明月西風闌珊  
酒盡憔悴花枝瘦酒腸花眼正宜年少時候

王

壽

一作壽字知明咸陽人棄家學道自號重陽子大定中於寧海州立三教平等會以孝經心經老子教人諷誦自名其教為全真元興之後其教益盛都卯三餘贅筆道家有南北二宗南宗自東華少陽君得老聃之道以授漢鍾離權權授唐進士呂巖遼進士劉操授宋張伯端伯端授石泰泰授薛道光道光授白玉蟾玉蟾授彭偁北宗自呂巖授王嘉嘉授七弟子其一邱處機次談處端次劉處元次王處一次郝大通次馬珏及珏之妻孫不二此外又有所謂全真者其名始嘉蓋嘉大定中抵寧海州珏夫婦築庵事之題曰全真由是宗其道者皆號全真道士

如夢令

大道長生門戶幾個惺惺覺悟鉛汞緊收藏方始澄神  
絕慮心慕心慕便趨蓬萊仙路

終南石刻署云承安五年重陽日終南山祖庭



靈虛觀主呂道安畢知常立石按終南山有重陽真人親眷碑刻醉江月詞又大定已酉年寧海州學正范懌所立重陽挂金燈詞碑亦在掖縣以其詞鄙俗置不復錄

馬

鈺 號丹陽子寧海州人

滿庭芳 唐括夫人索

冒雪行車迎風訪道投余特地參同說些修養不論虎和龍講甚嬰兒姪女無龜蛇日月交官無水火亦無嗽

咽更沒按時功 的端真妙用無為活計清淨家風鎖

心猿意馬勿縱狂蹤鍊息絲絲來往自然得子母和口

全性命紫書誥去直赴大羅宮

碑尾跋云靈源姑唐括氏申國太夫人之女大

丞相文正公之妹可謂貴胄矣而自妙年嚮慕真風耽味玄理大定壬寅春三月丹陽真人馬公行化過濰始

徑往參禮斯道之妙已得其畧矣是年冬十一月又攜其次子崇德往寧海之崑崙山再與丹陽師前懇其要訣師於是援筆授此詞其大旨鎖心猿意馬之狂蹤鍊清淨無為之妙用姑乃渙然冰釋如開青天觀口口捧詞回轅徑還濰上即其郡北申國夫人之舊第初庵以居弃金珠之飾而頂幅巾釋綺羅之服而披麻衣謝膏粱之味而甘糲食盡屏塵口專志願真其次子亦因丹陽詞訣雲遊訪道逮今七載而忘歸云云大定戊申孟冬望日中順大夫前定海軍節度副使東平吳似之跋按石刻在濰縣玉清宮

無名氏

浩然齋雅談金貞祐中太原已受兵人情洶鴻府治宣詔亭壁上忽有此詞蓋鬼詞也

減字木蘭花

并州霜早禾黍離離成腐草馬困人疲惟有郊原雀鼠肥半分明有路好逐衡陽征雁去鼓角聲中全晉山河





歐陽元 十二首

劉雲震 四首

耶律楚材 字晉卿遼東丹王八世孫金尙書右丞履之子楚材從元太祖平定四方太宗時累

官中書令贈太師封廣寧王諡文正元史有傳有湛然居士集

四庫全書總目王士禎池北偶談摘錄其詩以為頗有風味而稱其集多禪悅之說考僧

行秀所作集序稱楚材年二十七受顯訣於萬松盡棄宿學其耽玩佛經蓋亦出於素習

今觀其詩語皆本色惟意所如雖時時出入內典而大旨必歸於風教

鷓鴣天

題七真洞

見歷代詩餘

花界傾頽事已遷浩歌遙望意茫然江山王氣空千劫

桃李春風又一年 橫翠嶂架寒烟野花平碧怨啼鵲

不知何限人間夢併觸沉思到酒邊

姜

彧

字文卿萊陽人中統四年知濱州遷東平府判官至元五年召拜治書侍御史歷官至行

臺御史中丞元史有傳

浣溪沙

題晉溪

見山西通志

方丈惟空瞰碧潭潭光山色靜相涵開軒千里供晴嵐

流水桃花疑物外小橋烟柳似江南挽將風月入醺

酣

又

山滴嵐光水拍隄草香沙暖淨無泥只疑誤入武陵溪

兩岸桃花紅日出四圍高柳到天垂一尊心事百年

期

鷓鴣天

再賦晉溪



鷓鴣天 再題晉祠

滿谷瀟瀟落葉黃繡衣驄馬駐平岡一川野色迷秋色  
四面山光接水光花作陣酒為漿晉祠風物正重陽

殷勤留住皇華使同放乾坤入醉鄉

陳思濟

字濟民號秋岡柘城人世祖時右司都事拜  
監察御史遷同知紹興路總管府事轉同知  
兩浙都轉運司調陝西漢中道提刑按察副  
使歷官河南江北等處行中書省事諡文肅

元史  
有傳

木蘭花慢

與宣慰趙中順讞獄浙西之餘杭過洞  
霄故宮因作樂府以道吾懷至元十七  
年秋七月廿二日為吳清虛周清溪題於琳  
宇之一庵 見洞霄詩集

望西南三柱插天翠一峯寒儘泄霧噴雲撐霆柱月氣

壓羣山神仙舊家洞府但金堂玉室畫中看苔壁空留

陳迹碧桃何處驂鸞

兵餘城郭半凋殘製錦古來難

喜村落風烟桑麻雨露依舊平安興亡視今猶昔問漁

樵何處笑談間斜倚西風無語夕陽烟樹空閑

趙若秀

號西湖子

木蘭花慢

游洞霄故宮和陳秋岡韻

見洞霄詩集

看洞天福地秋氣爽濕衣寒對九鎖峯高擎天一柱壯

觀杭山巖前舊遺仙跡幻雲根直作畫圖看多少喬松

古木真如舞鳳飛鸞

西風匹馬夕陽殘行路肯辭難

便乘此清游欲尋仙去心與身安班超侯封萬里笑虛



名牢落滿人間試問潺潺流水無心爭似雲閑

劉真元 會稽人

木蘭花慢

游洞霄故宮和陳秋岡韻 詩集 見洞霄

問神仙何處尋溪路水聲寒此福地靈巖西南天柱洞  
府名山翠蛟對誰或舞更巖飛龍鳳駭人看見說丹成  
仙去當年跨鶴乘鸞 浮生貪勝似碁殘一著省時難  
便採藥眠雲吟風對月醉酒長安一任流行坎止又何  
須汨汨利名間試與林泉相約幾時容我投閒

李德基 平水人

按德基稱至元辛巳秋同上黨党公敦夫來游辛巳為世祖至元十八年相距僅逾一載

偶見秋岡留題為之追和耳

木蘭花慢

次韻秋岡陳同知

見洞霄詩集

訪仙家洞府仰天柱徹高寒對百尺飛湍四圍喬木九  
鎖青山危亭晚來極目勝王維三昧畫中看何處朝元  
會宴時聞命駕迴鸞 桃花臨水已凋殘別後見應難  
歎昨日秦宮今朝漢苑一夢槐安征鞍欲留無計恐仙  
碁一局換人間羨煞知還倦鳥白雲相對空閒

張伯淳

字師道崇德人宋末舉童子科至元間以薦除杭州路教授遷浙東道按察司知事官至翰林侍講學士元史有傳有養蒙先生詞一卷

按鄧牧洞霄圖志載元貞元年重建洞霄宮記為家鉉翁撰張伯淳書結銜稱翰林直學



士奉訓大夫知制誥同修國史云云

木蘭花慢

載西山爽氣添不重月船輕記前度今朝瓊花爛漫管  
領歌聲今歲穠華深處羨袞衣還看綵衣榮人世雲萍  
相遇歲寒松柏長青行行催覲朶雲明曉色上觚稜  
看春去春來依然黃閣移近家庭浮雲儻亦軒冕算古  
今久遠是功名尙有寒厓枯卉東君也解留情

又送季治書

羨高標雅重窗八扇更玲瓏每風日佳晴湖山清處袍  
錦從容不把雲霄自隔向尊前看我嘯吟中人世流光

易老古來知己難逢

青驄來往太匆匆呵護有紗籠

想當道豺狼先聲到處膽落英風南枝暫容橫榻算覽  
觀有眼興無窮別後相思何處心期付與飛鴻

又贈彈琵琶者

愛長廬年少將雅調寄幽情儘百喙春和羣喧夜寂老  
鳳孤鳴都來四條弦裏有無窮舊譜與新聲寫出天然  
律呂掃空眼底秦箏落紅天氣暖猶輕洗耳爲渠聽  
想關塞風寒潯陽月色似醉還醒軒窗靜來偏好到曲  
終懷抱轉分明相見今朝何處活溪乍雨初晴

糖多令寄吳閑閑



言絲補遺卷十七  
五  
移住近瀛洲天槎去莫留數歸期已過中秋上界羣仙  
宮府是雲不礙水長流酒令與詩籌依然記舊遊倚  
斜陽分付羈愁應與鰲峰人共語還不減去年否

齊天樂

送馬德昌

人生南北如歧路相逢自憐不早傾蓋班荆分燈並壁  
吟卷筆牀茶竈交情古道怕催詔翩翩好風吹到聚久  
別離砌蛩那更碎懷抱臨行誰勸駐馬待將塵土事  
妨我吟嘯小住雖佳還堪就否催得雲帆縹緲官梅正  
好比前度孤山賸開多少兩處心旌倚樓同晚照

又

次韻謝勸翁

班荆傾蓋當時事回頭屢更寒暑倦翼才還蒼顏易得  
零落江陵千樹相逢冷署且莫訝儒冠解將人誤計我  
生朝采箋新調映紅炬投閑誰道太早人生行樂耳  
何地非旅綠暗吟眸紅生醉臉聊對簷花細雨移尊共  
語問何日扁舟嫩荷香處坐待蟾光四更猶未吐

摸魚兒

次韻抱甕

采黃花自斟酒醕南山人在何許浮生聚散雲萍似消  
得幾番寒暑些箇路口不斷情悰惟有春天樹停歌罷  
舞更說甚悲懽從教白首心事付口口鈞天夢忘却  
當年宦譜吟蛩口願休訴如今世味更嘗慣但見青山



多嫵清對苦是我誤儒冠還是儒冠誤西湖勝處且趁  
取佳時不寒不暖同汎小舟去

賀新郎 次韻

回首章臺路又一番春事闌珊滿簾風絮郭外誰家閑  
院落別是壺天意趣判一日來游一度除却憂愁風雨  
外肯容他野馬埋雙屐行樂地更何處 八生忍把佳  
期誤况今朝滿座春風怎禁不去遠社蘭亭當日話何  
合從今委付算此語非緣要譽飲少歡多還覺醉看歸  
途疊嶂青無數情未足日催暮

柳梢青

賦枯梅寄張郎中馬同知

冷淡根荑小春時候兩蕊三花栽向西湖移來東閣一  
任安排 絕憐瘦影橫斜但宜在山顛水涯花裏平安  
嶺頭孤秀榮悴爭些

姚燧

字端甫號牧庵河南人姚樞之從子至元七年薦為秦王府文學除陝西漢中道提刑

清平樂

大德改元之明年辰在戊戌春三月十有一日宣慰麓堂邀飲怪座客無吾肖齋或云逃生朝矣即席賦清平樂以壽之

南陽昔歲此日懸弧記不料長沙今款避紅袖青軒負  
醉橫闌直楯西東飄殘萬紫千紅不是茶蘼噴雪爭



些閑煞春風

浪淘沙

大德丙午端月十四日立春巧連燈夕求西野澹齋月澗同賦

春燕玉釵騰又試初燈天公節序巧相仍纖手青絲盤  
出看寶焰層層鞭絕土牛繩已送嚴疑牙旗鐵馬響  
春冰六十九年余治學老病宵興

又 贈重陽奴

初度菊花秋霜水痕收可知不肯離荊州元龍山  
力軟破帽颺颺今夕定開舟漲水磯頭淵明解印去  
來休夢繞橘齋新草閣檀板輕謳

鷓鴣天

還觀堂暮飲

誰道夔龍不致君白頭離亂不曾聞三秦碧樹生春色  
千里青山入暮雲何事業底功勳百年五十已中分

從今萬八千場醉莫醉劉伶荷鋪墳

虞美人

牧庵即事為李元素作

竹風吹落疎疎雨紈扇收殘暑小軒驀地沁香來莫是  
鄰家早有木犀開玉環穿耳誰家女自獻歌金縷新  
聲和出紫檀槽袖出烏絲纔說要揮毫

數葉定風波

南州以菌生竹間為葦并樹鷄瘦薄而精雖日乾猶可煮茹此筆竹絲為之葦蓋得

竹餘氣而生然以世多未見故祥之余以為

理推當如此唐古憲僉筆生菌繪為圖因有



五馬雙旌出郡堂歸來椽筆對凝香只爲好書天作意  
相戲故生三秀在毫芒不是畫師生手觸拳曲層雲  
連葉幾何長我有一占君試記何事已開他日判花祥

江梅引

年年江上見寒梅幾枝開暗香來疑是月宮仙子下瑤  
臺冷艷一枝折入手斷魂遠相思切寄與誰怨極恨  
極嗅玉蕊念此情家萬里暮霞散綺楚天外幾片輕  
爲我多愁特地點征衣我已飄零君又老正心碎那堪  
聞寒管吹

滿江紅

送李景山使交趾

六詔江山十年厭挈舟還轍但只有日南遐域未嘗持  
節八月秋風來朔漠燕然已沒雕鞍雪料此時銅柱瘴  
雲收無炎熱銜尺一行宜決煩重爲雕題說道皇元  
威德萬方臣妾直以越裳聲教阻千金裝甌渚誰  
降王明日共輶軒來金闕

水調歌頭

岳陽寄定庵王萬戶

茲游太奇絕我亦壯君侯春風殷地悲嘯笳鼓萬貔貅  
平昔心胷吞著八九江南雲夢今上岳陽樓尋酒浣塵  
土山雨戰青油竟陵客又挾病入西州惟余與汝湍  
水東決則東流遙想凝香畫戟談笑兜鍪盡息莫賦大



刀頭麟閣看他日居右有人否

土山燭影搖紅

新齋肅政李元讓坐間任氏婦歌海棠開後之語非專為海棠設故別賦二首

平昔少曾

錄呈太初宣相時中

天寶三郎愛瓊睡起紅妝嬾背渠素手洗朱鉛吹裂寧

王管羯鼓嵬坡塵散記紅冰淫淚斷際天長恨蜀棧青

驃錦江難浣 千古驚魂泛蘭轉蕙光風暖嫣然一笑

尚傾城桃李空繁滿銀燭春宵苦短願青軒流火綵綵

借諸任袖回施新齋捧口口口

木蘭花慢

清明上巳同日亦吾生少遇賦樂府奉呈判縣伯陽志友兼寄高侍讀

暢光風嫋嫋轉幽蕙泛崇蘭上巳清明相期一日百歲

逢難鞦韆千自兒女事快隣翁覆手羽觴乾莫道韶華一

月從今已屬春殘 故人回首隔長安輪直下金鑿對

賜火新烟應思被襖何地江干依然齒牙牢在並年時

花似霧中看獨賴中書未老言時髮尙衝冠

摸魚兒

賦玉簪錄呈趙太初兼與時中

更休尋玉山瑤草蓬萊知在何處司花嫌被春風妒尙

待九秋清露還解語試問著當時月夜乘鸞女何年遺

汝恁不怕高寒青冥萬里鬢髻亂風霧 人間世無物

有香如許靈均遺恨千古芙蓉杜若何堪佩憔悴行吟

沉浦空自苦謾教得揚雄不信離騷賦雲窗月戶恨白



詩經補遺卷一  
髮詩翁年來多病不識醉鄉路

綠頭鴨 贈辛尚書家琵琶妾何氏

錦堂深獸爐香噴沈烟紫檀槽金泥花面美人斜抱當  
筵輕羅綬素肌瑩玉近鸞翅雲髻梳蟬玉笋輕拋魚文  
細撥鳳凰飛上四條弦牙板煩襟消盡秋氣滿庭軒今  
宵月依稀向人欲鬪嬋娟 變新聲能翻舊曲眼前風  
物凄然路漫漫漢妃出塞夜悄悄商婦移船馬上秋思  
江邊怨感分明都向曲中傳因無力勸人金盞須要倒  
垂蓮拚沈醉紅塵恁况一夢游仙

王

字儀伯定興人仁宗在潛邸時以薦充宿衛  
及即位遷集賢直學士元統中官至中書左

承謚文忠有王  
文忠集六卷

按文忠為順德路總管著善俗要義三十三  
條附見集中教養之法纖悉無遺張珪稱其  
非聖賢之書不讀非仁義之言不談信然

臨江仙

次韻答曹子貞

寄語蓬萊山下客飄然俯瞰塵寰寥寥神境倚高寒步  
虛仙語妙凌霧珮聲聞 笑我年來渾潦倒多情風月  
相關臨江結屋兩三間虛絃驚落雁倚杖看青山

南鄉子

秋日旅懷

秋氣入簾櫳矮榻虛軒睡思濃夢覺黃梁初未熟相逢  
都在邯鄲逆旅中 擾擾正愁儂雨霽西山翠幾重更



上層樓閒徙倚晴空日送冥飛萬里鴻

水調歌頭 送俞時

衆理識中散野鶴自昂藏螢窗雪屋十載南國秀孤芳  
河漢胸中九策 君嘗以用人九策干中書 風雨筆頭千字畫省姓名  
香文采黑頭椽輝映漢星郎 怕山中猿鶴怨理歸航  
人生幾度歡聚且莫訴離腸休戀江湖風雨忘却雲霄  
閭闔鴻鵠本高翔笑我漫浪者邱壑可倘佯

木蘭花慢 送李公敏

渺平蕪千里烟樹遠淡斜暉正秋色橫空西風浩蕩一  
雁南飛長安兩年行客更登山臨水送將歸可奈離懷

慘慘還令遠思依依 當年寥廓與君期塵滿芰荷衣  
把千古高情傳將瑤瑟付與湘妃栽培海隅桃李洗蠻  
烟瘴雨布春輝鸚鵡洲前夜月醉來傾寫珠璣

滿江紅 詠鶴

華表歸來猶記得舊時城郭還自嘆昂藏態幾番前  
却飲露豈能令我病窺魚正自防人樂被天風吹夢入  
樊籠情懷惡 緜嶺事青田約空悵望成離索但元裳  
縞袂依然如昨何日重逢王子晉玉笙悽斷歸寥廓儘  
儂家丹鳳入雲中巢阿閣

摸魚兒 秋日旅懷



快秋風颯然來此可能消盡殘暑辭巢燕子呢喃語喚  
起滿懷離苦來又去定笑我兩年京洛長羈旅此時愁  
緒更門掩蒼苔黃昏人靜閒聽打窗雨 英雄事漫說  
聞雞起舞幽懷感念今古金張七葉貂蟬貴寂寞子雲  
誰訴癡絕處又剗地欲操朱墨趨官府瑤琴獨撫惟流  
冰高山遺音三歎獨冀賞心遇

柯九思

字敬仲自號丹邱生台州  
仙居人官奎章閣博士

鐵網珊瑚載九思自記云補之詞翰稱妙一  
代此卷尤佳其柳梢青四詞可以想像當時  
風致勉強續貂以貽好事時至正元年冬十  
有一月南至日書于雲容閣

柳梢青 未開

懊恨春初飄零月下輕離輕隔重醞梨雲乍舒椒眼羞  
人曾識 已堪索笑巡簷早準備憐憐惜惜莫是溪橋  
攬先開卻試馳金勒

又 欲開

姑射論量漸消冰雪重試梳妝欲吐芳心羞素臉猶  
吝清香 此情倒底難藏悄悄脈脈相思寸腸月轉更深  
凌寒等待更倚西廊

又 盛開

琴臺輕搭南枝逗暖乍收微霽亂播繁花快張華宴繞  
花千匝 玉堂無限風流但只欠些兒雪壓任選一枝



折歸相伴繡屏花鴨

又將殘

瓊散殘枝點窗欵欵度竹遲遲欲訴芳情笛中曾聽畫  
裏重披 春移別樹相期漸老去何須苦悲人日酣春  
臉霞侵曉須記當時

胡祇通

字紹聞號紫山磁州武安人中流初張文謙  
宣撫大名辟為員外郎擢右司以阿合馬  
遷太原府治中擢荆湖北道宣慰副使  
江南提刑按察司延祐五年追贈禮部尚書  
諡文靖元史有傳有紫  
山大全集二十六卷  
輟耕錄珠簾秀姓朱氏姿容姝麗雜劇當時  
獨步此與馮子振作皆寓意珠簾由此聲譽  
益彰

沈醉東風

贈歌兒珠簾秀

錦織江邊翠竹絨穿海上明珠月淡時風清處都隔斷  
落紅塵土一片閒情任卷舒挂盡朝雲暮雨

馮子振

字海粟自號瀛州客依州人官翰林  
士有與釋明本倡和梅花百詠一卷  
按鐵網珊瑚載至治元年瑛公住持隆教寺  
疏署名稱長沙馮子振當是其君望也

鷓鴣天

前題

十二闌干映遠眸醉香空斷楚天秋蝦鬚影薄微微見  
龜背紋輕細細浮 香霧斂翠雲收海霞為帶月為鉤  
夜來捲盡西山雨不著人間半點愁

鷓鴣曲

和白无咎韻







光耀自不可掩

點絳脣 賦野薔薇

玉蕊瓏璫繞籬盈樹知誰種碧雲堆重化作飛瓊洞  
勾挽春衫裊裊珠纓弄風微動行人飛鞋著袖清香送

西江月

堤柳風前影瘦池荷雨後香殘高秋物色一闌珊落日  
孤烟微暗 平野大家徐步此身贏得長閒路  
笑相看道我為歡冷淡

臨江仙 梅

聞說東庵梅最好何須遠訪西湖金衣相映玉肌膚幽

香俱可愛顏色不妨殊 花主惜春仍好事賞花清似

休通冰蕤雪萼正敷腴只愁無客至那怕酒頻沽

臨陽元

字原功其先自廬陵遷瀏陽延祐二年進士

除同知平江州事調蕪湖武岡二縣尹召進

國子博士遷翰林待制天曆初授少監

至正初以學士告歸詔修宋遼金三史

總裁官拜翰林學士承旨卒贈楚

國公諡曰文有圭齋集十五卷

按虞集道園學古錄送元謁告還瀏陽云憶

昔先君早識賢手封佳製動成篇交游有道

真三益翰墨同朝又十年集父教授潭州見

漁家傲

聞考錄出漁家傲十二首想見承平風物之

詞綜補遺卷十七



正月都城寒料峭除非上苑春光到元日班行相見了  
朝回早闕前褫帕歡相抱 漢女姝娥金搭腦國人姬  
侍金貂帽繡轂雕鞍來往鬧閒馳驟拜年直到燒燈後

又

二月都城春動野引龍灰向銀床畫士女城西爭買架  
看馳馬官家迎佛官蘭若 水暖天鶯紛紛下鷹房奏  
獵催車駕却道海青逢燕怕纔過社柳林飛放日

又

三月都城遊賞競宮牆官柳青相映十一門頭車馬並  
清明近豪家寒具金盤餉 墦祭流連芳草逕歸來風

送梨花信向晚輕寒添酒病春烟暝深深院落鞦韆迴

又

四月都城冰碗凍含桃初薦瑛盤貢南寺新門羅漢洞  
伊蒲供楊花滿院鶯聲啾 歲幸上京車駕動

備鑾輿從健德門前飛玉鞚爭持送葡萄馬乳歸銀甕

又

五月都城猶衣袂端陽蒲酒新開臘月傍西山青一掐  
荷花夾西湖近歲過茗雪 血色金羅輕汗塌宮中畫  
扇傳油法雪腕綵絲紅玉甲添香鴨涼糕時候秋生榻

又



六月都城偏晝永  
鞦韆聲動浮瓜井  
海上紅樓歆扇影  
河朔飲碧蓮花肺  
槐芽瀟綠鬢親王  
初守省乘輿去  
後嚴巡警太液池  
心波萬頃閒芳景  
掃宮人戶撈漁艇

又

七月都城爭乞巧  
荷花旖旎新棚架  
籠袖嬌民兒女狡  
偏相攪穿針月下  
濃妝佼碧玉蓮房  
和朽拗晡時飲  
酒醒時卯淋罷麻  
稽秋雨飽新涼稍  
夜燈叫買

又

八月都城新過雁  
西風偏解驚游宦  
十載辭家衣綫綻  
清宵半家家搗練  
砧聲亂等待中秋  
明月翫客中只

作家中看秋草牆頭  
螢火爛疎鐘斷中心  
臺畔流河漢

又

九月都城秋日亢  
馬頭白露迎朝爽  
會上西山都蒼莽  
川原廣午林紅葉  
同春賞一本黃花金  
十鏹

又

譜籤銀榜龍虎臺  
前鼉鼓響擎仙掌  
千官果迎鑿仗  
十月都城家旨蓄  
霜菘雪韭冰蘆蕈  
煖炕煤爐香豆熟  
燔獐鹿高昌家  
賽羊頭福貂袖豹  
祛銀鼠襪美人來  
往瓊車續花戶油  
牕通曉旭回寒燠  
梅花一夜開金屋

又



十一月都人居煖閣吳中雪紙明如堊錦帳豪家深夜  
酌金雞喔東家撤雪西家噓 織指柔長宮線弱陽回  
九九官冰鑿盡道今冬冰不薄都人樂官家喜受新年  
朔

又

十二月都人供暖筵官中障面霜風獵甲竹藏鈎環侍  
妾紅袖壓笑歌聲送金蕉葉 倦客玉堂寒正 中  
金井冰生鬣凍合竈觚餉一楪吳霜鑷換年 寫宜春

帖

劉雲震

鮮于樞困學齋雜錄劉祭酒雲震以酒自晦  
常有東宮千秋節應教詩云一年一度到青  
闈每到青闈盡醉歸絕勝杜陵驢背上朝回  
日日典春衣又春寒東風連日暗塵沙二月  
邊城草未芽燕子不來庭院悄定箇春色入  
誰家詞云云

百字令

郡城元夜

景龍天氣正餘寒料峭輕風簾幙萬斛金蓮光不夜香  
滿雲間樓閣金鞮頻敲繡簾高揭應為黃昏約霜娥無  
恙喚人依舊飄泊 却恨烏兔無情把人青鬢白恁星  
星却千古繁華行樂地誰笑誰歌誰酌北海尊疊東山  
絲竹夢裡揚州鶴客窗無味故人誰念蕭索

太常引

得薦不遇



耿耿九虎隔重關到天上却空還回首謝塵寰問今日  
誰人姓韓 瓜田蔬圃竹溪松逕何地不堪閒且莫問  
長安比蜀道元來更難

又 東平嚴彥祖餞東湖亭卽席作

東吳亭下簇金鞍四座浹清歡人物畫中看只在了劉  
郎鬢斑 花枝裊娜酒盃潏灩全不放春門絲竹舊東  
山暢好個風流謝安

浣溪沙 贈大興尹游子明

公署含香舊有名庖刀試手便崢嶸并州人物未飄零  
父老共傳新政好兒童都道長官清十分和氣滿春

城

詞綜補遺卷十七



詩經卷十





